





NOS CAROLUS,
Dei Gratia, Svecorum,
Gothorum & Vandalorum
Rex, Magnus Princeps Finlandiæ,
Dux Scaniæ, Ehstoniæ,
Livoniæ, Careliæ, Bremæ, Ver-
dæ, Stettini, Pomeraniæ, Cassu-
biæ & Vandalia, Princeps Rugiæ,
Dominus Ingriæ & Vismariæ,
nec non Comes Palatinus Rheni,
Bavariæ, Juliaci, Cliviæ & Mon-
tium Dux, &c. &c.

Universis ac singulis, quorum ullo modo interest,
inprimis vero Ordinibus incliti regni Poloniæ, &
Magni Ducatus Lithuaniæ, cunctæque in illis No-
bilitati, præsentibus hisce literis nostris novum te-
statumque facimus, Nos, cum injustis Regis Poloniæ
armis lacesciti, Poloniam cum exercitu intravimus, ne-
quaquam in animum induxisse, ut huic regno, ejusque
incolis, ullum adferremus damnum. Verum ut laben-
tem

206184

I



tem Poloniam libertatem, quam, bello hoc citra consen-
sam Reipublicæ nobis illato, concussam eque fundamen-
tis suis motam vidimus, erigeremus, antiquasque leges,
ex quarum conservatione vigorem nostrorum cum Re-
publicâ pactorum dependere liquet, pristino restituere-
mus usui ac ritori. Persistimus adhuc in eodem propo-
sito, neque e finibus huius regni antea discedere consti-
tuimus, quam, sedatis hisce motibus, salutem libertatem-
que Reipublicæ extra discrimen positam, nostramque si-
mul incolumitatem in tuto collocatam videamus. Hanc
nostram intentionem ab initio ingressus nostri candidè
significavimus, ingenti fiducia, illam tanto promptius as-
sensum reperturam, quanto justiore ac Reipublicâ ma-
gis necessariam ac salutarem æquissimus quisque eam ju-
dicaret; verum præter opinionem experti sumus non
tantum non debitis studiis hanc propensionem nostram
esse acceptam, verum etiam eam Reipubl. partem, quæ
Lublino nuper congregata fuerat, cum finem propositi
nostri inrueri, vetera fœdera renovare, consiliaque pro-
spiciendi cum suæ, tum nostræ securitati, capere debe-
ret, specie defensionis inductam & illam, non minus in-
festa quævis contra nos decrevisse, quam suis ipsius legi-
bus ultimum sancivisse exitium. Quo pacto omnis qui-
dem ratio pacandæ Reipublicæ abrupta videri poterit.
Et quanquam nos contra Rempublicam, quæ per nu-
pera Comitâ in iustissimo bello illigari se passa est, jure
nostro uti possemus, cumque grandi illius perniciæ ac
damno eidem repræsentare ea mala, quæ inimicis per-
versisque consiliis suis promeruerat: attamen cum No-
bis satis constat, non paucos cives, qui hoc contagio il-
læsi, proque patriæ libertate longe melius animati, nihil
ardentioribus votis expetunt, quam patriæ tranquillita-
tem

tem, iuriumque suorum integritatem ac restitutionem, ad
hæc tuenda certam contraxisse societatem, inque eum fi-
nem manus invicem conjunxisse; Nos quoque sicut non
dubitamus, quin iidem hisce malis iusta remedia sint alla-
turi, eamque adinventuri viam, qua utrique regno tran-
quillitas securitasque iusta acquiratur; Ita eorum instituto
libenter acquiescere volumus, propositionesque, quas ex-
hibuerint, si paci redintegrandæ inveniantur idoneæ, am-
plecti. Quapropter iisdem civibus jam congregatis, aut
in eum finem posthac congregandis, amicitiam nostram
conservamus integram & illibatam, eorumque bonis ac
personis omnimodam promittimus securitatem, parati il-
lis opem ac tutelam nostram quovis modo præstare: quos
verò in transversum abreptos intellexerimus, non præ-
sentibus Reipubl. periculis commoveri, nec cum cæteris
ad vindicandam libertatem convenire, eos omnes pro ho-
stibus nostris reputabimus, jusque illud, quod natura &
ratio belli dicitur, contra eosdem eorumque fortunas ubi-
que, & omni rigore, exercebimus. Hæc verò præmo-
nere volumus, ut, quicquid incommodi ipsis eorumque
bonis contigerit, non nobis amica omnia offerentibus, sed
sibimet ipsis benevolentiam tantam aspernantibus, acce-
ptum referant. In quorum omnium fidem hæc literas,
manu nostra subscriptas, sigillo quoque nostro muniri
iussimus. Dab. in castris Nostris ad Thorunium die 26.
Augusti 1703.

CAROLUS.

(L.S.)

dam.
versis
bis satis
laesi, pro
ardentiori

CAROLUS.
(L.S.)



Biblioteka Jagiellońska



stdr0025545